



太平寰宇記卷第一百三十六

山南西道四

合州

渝州

合州

合州

巴川郡今
理石鏡縣

按郡地即巴國別都史記謂秦惠文

王使張儀司馬錯滅巴國以為巴郡今州即巴郡

之地自秦至晉皆因之宋于此置東宕渠郡後魏

大統初其地入魏恭帝三年改東宕渠為墊江郡

改縣為石鏡以涪水北有圓石似鏡因以名之仍

于郡置合州蓋取涪漢二水合于此故為州稱後周于此復立宕渠郡隋開皇初郡廢而州存改合州為涪州大業初改州為涪陵郡武德元年復為合州領石鏡漢初赤水三縣又置新明縣長安三年置銅梁縣開元末置巴川縣天寶元年改合州為巴川郡乾元元年復為合州城臨峽江之上實控東之地

元領縣六

今五

石鏡

漢初

赤水

銅梁

巴川

一縣廢

新明

入廣安軍

州境

東西一百六十里

南北二百四十里

北四至八到

東北至東京三千九百五十里

東北至西京三千一百五十里

東北至長安二千六百五十里

東至渝州二百里水路一百六十里

南至瀘州六百六十二里

西至遂州水路三百八十里陸路二百六十里
北至廣安軍一百二十里
東南至渝州界二百五里
西北至瀘州五百九十里
西北至普州六百六十里
東北至果州二百里

東戶

開元戶二萬六千八百

皇朝戶主九千六十一客一萬七千一百五十

風俗

渝州同

姓氏

臨海郡出四姓

邵

屈

戈

續

人物無

土產

麩金

桃竹筋

牡丹皮

木藥

石膽

雙陸子

書筒

石鏡縣

依舊本漢墊江縣屬巴郡宋改為宕渠縣後

魏恭帝二年為石鏡縣邑有青石如鏡可照故以為名銅梁山在縣南九里左太冲蜀都賦云外負銅梁而宕渠注云銅梁山名也按其山出鉄及桃竹杖東西連亘二十餘里山嶺之上平整遠望諸山而此獨秀也青石山在縣西二百四十里李膺益州記云昔巴蜀爭界久而不決漢高帝八年一朝密霧石為之裂自上及下劈破處直若引繩焉于是州界始判山上有古神祠甚灵華陽國記志以為青石神是也水旱祈請頗灵驗今按山在涪水之南山裂之處至

今猶存渠江水在縣北十五里源自萬頃池分來經巴達渠廣安軍等州界至本州東北十里與嘉陵江合

漢初縣西北一百九十里本漢墊江縣宋改墊江為東

宕渠縣梁武帝大同中于此立新興郡後魏至恭帝三年于今縣西北六十里置清居郡及立清居縣以地勢爽塏故曰清居以稱邑隋初郡廢改縣為漢初縣屬合州十六年自故郡城移于今理自唐迄今不改武陵丘山一名陵江山在縣西北九十七里嘉陵江水縈遶其下又

東南流經縣南入石鏡縣界

赤水縣西一百里本漢墊江縣地宋改為宕渠縣

後魏改為石鏡縣隋開皇八年析石鏡縣地于

今縣西置赤水縣以界內有赤水源為名唐武

德元年移于今理朝霧山赤水在縣界

銅梁縣西一百五十里亦漢墊江縣地宋改為宕渠

縣魏為石鏡之地唐長安四年刺史陳靖意以

大足川僑戶輻湊置銅梁縣以銅梁山為名蜀

都賦云外負銅梁而宕渠是也舊理在今縣北

四十里奴崙山北列宿埧上隋開皇三年移就

涪江南岸權立十六年遂東南移于東流溪埧

上即今理也悅池在今縣西一十里

巴川縣南二百里本墊江縣地唐開元二十二年

刺史孫希庄湊割石鏡之南銅梁之東地置巴

川縣以地在巴川故為名小安溪源出縣南

巴山中北流經縣理南又東北合候溪水

渝州

渝州南平郡今土地所屬與萬州同山海經云西

南有巴國昔太皞生成鳥咸鳥生乘釐乘釐生

後昭是為巴人郭璞注云為巴之始祖三巴記

云閬白二水東南流曲折三回如巴字故為三
巴武王尅殷封宗姬支庶于巴是為巴子古者
遠國雖大爵不過子吳楚及巴皆為子爵其地
東至魚復西連僰道北接漢中南及牂牁是其
界也春秋時亦為巴國戰國時巴亦不改及楚
主夏盟秦擅西土巴國不列于盟會矣秦惠文
王與巴蜀為好蜀王弟苴侯私親于巴巴蜀常
相戰爭蜀王伐苴侯苴侯奔巴求救于秦秦惠
文王乃遣張儀司馬錯伐蜀回軍因滅巴王以
其地置巴郡領縣十一理江州漢因之後漢初

平益州牧劉璋分巴郡為二墊江以上為巴郡
理安漢墊江以下為永寧郡理江州建安六年
劉璋改永寧為巴東郡改巴郡為巴西郡仍以
涪陵為涪陵郡二十一年蜀先主又以巴東郡
所管朐腮魚復二縣置涪陵郡理魚復又以巴
西郡所管宣漢宕渠漢昌三縣置宕渠郡章武
元年改涪陵為巴東郡而江州巴東郡復舊為
巴郡于是巴郡分而為三號曰三巴後主以巴
郡屬益州梁太清四年武陵王蕭紀于巴郡置
楚州西魏大統十七年改楚州為巴州周閔帝

元年改巴州為楚州仍領巴郡隋開皇元年改
楚州為渝州三年罷郡所領縣屬州大業三年
罷州復為巴郡唐武德九年置渝州因開皇舊
名領巴江津涪陵三縣其年以涪陵屬涪州三
年置萬春縣五年改萬春為萬壽縣貞觀十三
年以廢霸州之南平縣來屬天寶元年改為南
平郡乾元元年復為渝州

元領縣五

今四

巴縣

江津

南平

璧山

一縣廢

萬壽

併入江津

州境

東西三百四十里

南北四百二十里

四至八到

東北至東京四千九十里

東北至西京三千六百七十里

東北沂流取合州路至長安二千八百一十里

東至涪州四百六十里水路三百四十里

西至合州二百里

南至南平軍二百六十里

北至渠州四百四十里
東南至涪州六百四十里
西南至瀘州水路七百里
東北至涪州樂溫縣一百一十二里
西北至渠州鄰水縣二百里

戶

唐開元戶六千九百

皇明戶主三千六百九十二客一萬六千二百五

十

風俗

大凡蜀人風俗一同然邊蠻界鄉村有獠戶即異也今渝之山谷中有狼獾鄉俗構屋高樹謂之閣閣不解絲竹惟坎銅鼓視木葉以別四時父子同諱夫妻共名祭鬼以祈福也

人物無

土產

藥子

牡丹皮

葛

石膽

桃竹

麩金

按茶譜云南平縣狼獾山茶黃黑色渝人重之十月採貢又段氏蜀記云渝出花竹簟為時所重

巴縣十鄉依舊本漢江州縣地屬巴郡按巴城在岷江

之北漢水之南即蜀將李嚴所修古巴城也今

州所理在巴城北故倉城漢水北有一城時人

謂之北府城後漢巴郡所理尋復還今理州東

北二十里有石洞峽即劉備置閔之所東西約

長二里其江州即南齊永明五年自州理移于

樊漢口即今江津縣理也又自涪州界陽閔移

理屬之墊江縣就江州所理後周武成三年改

墊江為巴縣蜀初立即于此塗山在縣東南

八里岷江南岸高七里周回二十里東接石洞

峽華陽國志云夏禹娶于塗山今江州塗山是

也有廟存此華陽國志誤也明月峽在縣東

八十里華陽國志云巴郡江州縣有明月峽即

此李膺益州記廣陽州東七里水南有遮要三

埭石石東二里至明月峽峽首南岸壁高四十

丈其壁有圓孔形若滿月因以為名縉雲山

在縣西一百三十七里其山高聳林木鬱茂下

有泉水東西分流傳云黃帝于此山合神丹故

此山得名以紀之江州縣故城漢縣名廢城

在今縣西北荔枝園華陽國志云江州縣有

荔枝園華陽國志云江州縣有

荔枝園華陽國志云江州縣有

荔枝園華陽國志云江州縣有

荔枝園至熟時士大夫聚會于園食之

江津縣南一百二十里本漢江州縣屬巴郡南齊永

明五年江州縣自郡城移理焚溪口即今縣理

是也後周閔帝元年于縣理置七門郡領江州

一縣尋改江州為江陽縣隋開皇三年罷郡移

縣入廢郡理屬渝州其年改江陽為江津縣以

斯地在江之津為名地志云江州縣理有茅垵

驛白君山在縣北四十里大江在縣西一

里焚溪水在縣南十四里西北流入大江

香草樓李膺益州記云江州縣西南有仙池昔

有仙人居此池側置樓多植香草于此樓下忽

一夕縱火天降紫雲飄然而去後人尚指此地

為香草樓溱南二州大路按四夷縣道記云

江津縣在今郡北一百二十里縣南陸路三百

六十里至溱州又自江津縣路南尋焚溪水路

二百二十里至南平州即此路

南平縣東一百三十里本漢江州縣地唐貞觀四年

分巴縣置南平州仍于州理立南平縣在今縣

南三十五里有霸州城是也至八年改南平州

為霸州縣屬不改十三年廢霸州以南平縣自

霸州城移于今所屬即永淳已前舊理所也仍屬渝州永淳二年又東南移六十里于平鄉頓

堤權置縣即今縣理瀛山在縣西南三百七

十里渝弄山在縣東北七里南平溪在縣

東南流入涪州賓化縣界諾溪在縣西北入

巴縣界赤水在今縣西四里有赤水流入巴

縣分界縣南復有通夷播州

壁山縣西南三百里本漢巴縣江津萬壽三縣地

四面高山中央平田周廻約二百餘里唐天寶

中諸州逃戶多投此營種川中有一孤山西北

二面峻峻東南兩面削平土人號為重壁山至

德二年于此立縣因山名焉廢萬壽縣在州

西南三百八十里本漢江州縣地唐武德三年

分江津縣置萬春縣屬渝州五年改為萬壽縣

皇朝平蜀後廢入江津縣

太平寰宇記卷第一百三十七

山南西道五

開州

達州

開州

開

州盛山郡今

秦漢之代為巴郡朐腮縣地後漢建

安二年分朐腮西北界今州南二里置漢豐縣屬

固陵郡蜀先主改固陵為巴東郡歷晉宋齊已來

並屬巴東郡後魏初得其地于今達州新寧縣理

立開州領東關三岡開江馬鐙四郡與州同理後

周天和元年又于漢豐縣理置周安郡四年自東
關郡城移開州于今理今州西九十里蜀水北故
州城是也領周安東關三岡開江四郡其周安郡
領西流一縣其年以東關三岡三郡屬通州五年
改開江郡為江會郡建德五年省江會郡入周安
郡隋開皇三年又罷周安萬安郡以萬安永寧二
縣廢周安郡之西流新浦二縣共四縣屬開州十
八年改永寧為盛山縣大業二年廢開州義寧二
年于盛山縣置萬州仍割巴東郡之新浦通川郡
之萬世西流三縣來屬武德元年改為開州領四

縣貞觀初省西流入盛山天寶元年改為盛山郡
乾元元年復為開州
元領縣三

開江 萬歲 新浦

州境

東西一百八十八里 南北一百二十二里

四至八到

北至東京二千七百一十里

北至西京二千七百九十里若從江陵水路陸路相

兼至洛陽二千六百八十里

北取通洋兩州路至長安一千四百三十里
東至夔州雲安縣龍目驛一百九十里從驛路至夔
州二百二十里

南至萬州小路一百六十里大路二百里
西至達州四百九十里

東北至萬州梁山縣一百五十三里

西北至達州石鼓縣一百二十八里

東北至姚州界二百八十里

唐開元戶五千六百六十

皇朝戶主三千六百八十六客七千八百五十

九 風俗

巴之風俗皆重田神春則刻木虔祈冬即用牲解
賽邪巫擊鼓以為淫祀男女皆唱竹枝歌

人物無

土產

貢車前子

蠟

柑子

開江縣本漢朐腮縣地蜀先主建安二十一年于今
縣南二里置漢豐縣以漢土豐盛為名至後周武

帝改漢豐為永寧縣隋開皇中改永寧為盛山
縣唐武德元年移于今理廣德元年又改為開
江縣 神仙山在縣東清江水東四里故老相
傳昔有仙人衣朱衣乘白馬登此山本道以聞
天寶二載勅置壇號神仙宮 盛山在州西北
三里山上有宿雲亭隱月岫流杯渠琵琶臺綉
衣石

萬歲縣 東北四十里元六鄉 亦胸臆之地蜀為漢豐之地宋武
帝又于此分置巴渠縣屬巴東郡後周天和元
年分巴東郡置萬安郡改巴渠為萬歲縣取縣

北有萬歲谷為名隋開皇三年罷郡以縣屬開
州大業二年廢州以縣屬萬安郡唐武德元年
即廢以縣屬開州二年自今縣北三十里故城
移于今所寶曆中節度使裴度奏廢之以其地
併入開江尋又置 朝閣山自開達二州界南
入當縣 石塔山自開達二州界入當縣界與
夔州界接山下有一泉分為三道一入夔州一
入當州一入達州 熊耳山在州東北下入扶
城水南至夔州界 石門山在縣東北十里
清水源出縣東北石塔山西南流經石門山又

西南流經巴渠故城東又西南流經縣東二里
又西南入開江縣界 鹽泉在縣東二十里平
地

新浦縣

西縣九十鄉亦胸臆之地蜀為漢豐縣地宋

武帝永初中分漢豐縣于今縣西北七里置新

浦縣屬巴東郡後魏恭帝三年于縣置開江郡

領新浦一縣周武帝天和五年改開江郡為江

會郡建德五年郡廢以縣屬周安郡隋開皇三

年罷郡以縣屬開州大業二年廢開州改屬信

州信州今七年自縣西北故城移于今理鯉

城山在縣西四十里四面懸絕 常渠水一名

白浦水西自新寧縣界流入東流經鯉城山又

東經縣理南三里又東流入開江縣界 墊江

水源自縣高梁山東北流于縣南入常渠水

達州

達

通川郡今土地與金州同春秋戰國並為巴

子之國秦并天下為巴郡漢為宕渠縣之東境

後漢和帝分宕渠置宣漢縣宋武帝又置屬南

宕渠郡蕭齊又屬巴渠郡梁大同二年于宣漢

縣置萬州以州界內有地萬餘頃因以數名之

領開巴新寧寧巴壽陽巴中五郡後魏廢帝二
年開拓山南改宣漢為石城縣析置新南縣又
于東閔縣置井州仍併東閔為宣漢縣其年又
以萬州居四達之路改為通州周武天和元年
通州領郡不改建德五年又割開州所領東閔
三岡二郡來屬州領郡七隋開皇三年罷郡廢
開巴郡之石城縣廢新寧郡之三岡縣廢臨清
郡之石鼓縣廢三巴郡之東鄉縣並屬通州五
年又以廢井州之宣漢縣來屬大業三年罷州
為郡領通川三岡石鼓東鄉宣漢西流萬世七

縣唐武德元年改為通州領通川宣漢三岡石
鼓東鄉五縣以宣漢屬南井州二年置新寧思
來二縣三年以東鄉屬南石州又為通州領通
川三岡石鼓新寧思來五縣八年以廢南石州
之東鄉縣來屬貞觀元年以廢南井州之宣漢
來屬又省思來入通川其年廢萬州以永穆來
屬貞觀五年廢都督府天寶元年改為通川郡
乾元元年復為通州
皇朝乾德二年改為達州其州枕江右有土居
十萬水居三千戶

元領縣九

今七

場一

通川 永穆

石鼓

新寧

巴渠 三岡

東鄉

二縣廢

閬英 入石鼓

宣漢 入東鄉

場一

宣漢井場

州境

東西一千四百三十里

南北六百二十里

四至八到

東北至東京三千二百九十里

東北至西京取開州下水經三峽出江陵至襄鄧汝

寺州陸路共二千八百九十里

東北取洋州駱谷路至長安一千五百七十里取利

州驛路二千五百里

東至夔房寺州界計一千二百八十里

西至渠州界四百里

北至璧州界四百一十里

東南至開州二百七十里

西南至渠州六百里水路二百五十里
東北至金州一千一百里
西北至巴蓬等州界二百里

戶

唐開元戶四萬七百四十二
皇朝戶主二千六百六十客一萬三百三十一

風俗

與開州同

人物無

土產

挺子白膠香貢

白藥子

蜜

蠟

蜂巢

段氏蜀記云通開二州產鹽漆之利

通川

縣舊二十四鄉今五鄉

本漢宕渠縣地後漢分宕渠

縣于此置宣漢縣後魏廢帝二年開拓山南改
宣漢為石城隋開皇十八年又改為通川縣以
地帶四達故曰通川宋帝立郡于此鼓嘯山
在州東北一百二十里東關水東北自石鼓
縣界流入經縣南一百六十步西南流入三岡
縣界鳳凰山在縣西北五里山形象鳳翅掩

映州城俗呼為鳳凰山 石城山在縣西五里
山四面絕崖西有一路上山頂俗謂之石城山
永穆縣西北七十五里本漢宕渠縣地後漢為
宣漢縣地梁大同中分宣漢縣置万榮郡于此
兼立永康縣以屬焉即今縣也後周保定初於
此置萬州隋開皇二年廢萬州三年又廢郡以
永康縣屬巴州十八年改永康縣為永穆縣唐
武德二年于縣理再置萬州貞觀元年州廢以
永穆屬通州龍驤山在縣東南三里北水
自巴州歸仁縣界流入經縣南一百步流入三

岡縣界七盤山在縣東三十一里龍女山

在縣東三十里鼓樓山在縣西二十里

石鼓縣東六十里本漢宕渠縣地後漢為宣漢

縣地後魏恭帝三年于此立遷州領臨清一郡

尋于郡置石鼓縣因石鼓山為名隋開皇三年

廢州罷郡併臨清縣亦歸石鼓縣以隸通州寶

曆七年廢大中元年再置皇朝乾德五年併閬

英縣入大石在縣東五十里大江次號為石

鼓龍基山在縣南八十里巴渠江在縣南

四十步流入通州界廢閬英縣在州北一百

二十里縣本天寶九年太守韋虛受奏于應水
南一里置閬英縣以縣南五里閬英山為名
四白山在故縣西北四十里

新寧縣 州東一百七十五里 舊四鄉今二鄉 在兩漢其地與宣漢縣

同西魏廢帝二年于此置開州領東閬郡郡領

蛇龍新寧二縣後周天和四年移開州于蜀水

北唐貞觀八年自今縣西七十里移魏所置新

寧縣于廢開州城其城俗謂之賓城即今縣理

是也 三角山在縣東北八十里有南江水源

出此山西南流遠縣里三面後屈曲西北流遠

至通川縣東七里注東閬水 鼓嘯山在縣西

南六十里 大崩山在縣南六十里其山高六

望見開州新浦縣梁山軍 東閬故郡城在今

縣西北五十里 故新寧城在縣西北十里即

後魏恭帝二年于此立縣隋開皇三年廢唐武

德二年又置後遷于賓城

巴渠縣 州南二百三十里 舊四鄉今三鄉 在兩漢與宣漢縣地同

梁大同中析置以境在巴州宕渠內故為巴渠

縣焉隋初廢唐永泰元年又析石鼓縣之四鄉

地置在東閬水北五十步此縣是當夷獠之邊

界其民俗聚會則擊鼓踏木牙唱竹枝歌為樂
文字山在縣西三十里又有文字溪長秀

山在縣北二十里懸布山在縣東四里萬

戶溪在縣東八十里自開州萬壽縣界北流來

合縣溉江水又有成熟溪亦自開州萬歲縣來

合文字溪

三岡縣

西南四十里
九鄉今四鄉

在西漢與宣漢縣地同梁

大同二年于此置新安郡兼立三岡縣因邑界

山有三隴為名後魏廢帝二年改新安為新寧

郡隋開皇二年罷郡以縣屬通州寶曆七年山

南節度裴度奏廢後以人戶廢縣不便大中五

年又置東關水經縣南一百步又西流合北

水三岡水南自流江縣來北流經縣東十里

合東關水龍壁山在縣東三十里玉樓山

在縣東三十三里龍盤山在縣東北二十里

東鄉縣

東北一百七十里
舊四鄉今十一鄉在西漢其地與宣漢縣

同按四夷述云梁于今縣西界置新安縣不詳

理所西魏恭帝二年分新安縣于益遷下蒲西

水間置石州即今縣是也又于州理置巴渠郡

周武天和四年廢石州及巴渠郡仍于故州城

置三巴郡領東鄉下蒲二縣隋開皇三年罷郡
仍廢下蒲縣入東鄉縣以隸通州唐武德三年
于此置南石州又置下蒲昌樂二縣以屬之八
年又廢南石州及昌樂下蒲二縣其年仍移東
鄉縣治于今縣東一里安養故城皇朝乾德五
年割宣漢縣入焉白作鼻山在縣東五里
琵琶山在縣東北二里鳳凰山在縣東北六
十里綾羅山在縣北八十里益遷水在縣
東北三十步從金州來流入石鼓縣界下符
江在縣西南一百步從洋州界入廢宣漢縣

在州北一百七十里本漢宕渠縣地後漢分為
宣漢縣後魏廢帝二年于今縣東一百五十五
里梁所置南晉郡西百步置井州仍自州移理
宣漢縣于南晉郡北二百里今無遺趾按井州
領南晉郡郡領東閔宣漢二縣理東閔周改南
晉郡為和甓郡又省郡郡東閔入宣漢縣開皇
三年罷郡以縣屬井州五年自井州北二百里
移宣漢縣理于東閔故城是也尋又廢井州以
縣屬通州唐武德元年又置南井州及東閔縣
三年移井州理新安廢鎮城貞觀元年又省南

井州及東閔縣仍自南晉故城移宣漢縣于新安廢鎮城即今縣是也皇朝乾德五年併入東鄉縣建平山在故縣東三百里東閔水出焉西南流入縣一百五十里下石鼓縣界宣漢井場在州東一百二十里無鄉里管二百戶地名長腰鹹源出大江龍骨石窟中湧出灘名羊門西面山崖峭峻鹹源出于山下遂煎成鹽其場風俗男女不耕蠶貨賣用雜物代錢租稱白虎死葬不選墳墓設齋不以亡辰雖三年晦朔不饗習性獷硬語無實詞皆風土之使然

四十四里其山高丈

平波山在場東北

校勘

開州

萬歲縣

總序

後周天和元年分巴東郡置萬安郡改巴渠為萬歲縣取縣北有萬歲谷為名

按舊唐書地理志云開州萬歲縣後周之萬縣隋加世字貞觀二十三年改萬世為萬歲又今開州圖經云周天和六年改巴渠為萬縣取縣北萬谷為名他與史志同今記云後周改巴渠為萬歲誤也萬歲之名更于唐耳

達州

永穆縣

按諸書皆作永穆惟今達州圖經及九域志作永睦未詳何書何時更改

東鄉縣

下符江

按今達州圖經及九域志東鄉縣皆有下

蒲江又今記東鄉縣總序亦云於益遷下

蒲西水間置石州此云下符江恐誤然因

之以存疑

太平寰宇記卷第一百二十八

山南西道六

洋州

渠州

廣安軍

洋州

洋州

理興道縣

今土地所屬與渠州同春秋及戰國並

屬楚地秦滅楚置三十六郡此為漢中郡地後漢

封班超于此三國時為蜀之重鎮故先主分城固

立南鄉縣至後主延熙中將軍王平守興勢魏將

曹爽攻之不尅乃今郡地晉改南鄉為西鄉後
魏正始中廢西鄉縣仍于今西鄉縣西五十里
豐寧戍置豐寧郡及豐寧縣仍更立候亭縣郡
屬直州廢帝二年于今西鄉縣置洋州以水為名
領洋州懷昌洋中豐寧四郡其懷昌郡領懷寧
一縣後周天和五年省懷昌郡改懷寧為懷昌
縣隋開皇三年又罷三郡并省候亭縣入洋州
領豐寧黃金二縣大業二年廢洋州仍省懷昌
縣以豐寧黃金二縣屬漢川郡仍改豐寧為西
鄉移于廢州麻理又于州城置洋川鎮唐武德

元年復為西鄉立洋州領西鄉興勢黃金三縣
四年又置洋源縣開元十八年又置真符縣天
寶元年改州為洋川郡十五年郡自西鄉權移
理于興道即今州理是也乾元元年復為洋州
皇朝為武定軍節度

元領縣五

今三

興道 西鄉

真符

二縣廢

洋源 散入隣

黃金 符入真

州境

東西二百四十里

南北五百九十里

四至八到

東北至東京一千九百一十里

東北至西京一千四百九十里

東北至長安六百四十里

東至金州五百里

西至興元府二百二十里

南至壁州山路五百四十里

北至盩厔縣五百里

東至真符縣界一十九里

西至興元府城固縣界三十三里

南至西鄉縣界四十里

北至真符縣界三十五里

東南至西鄉縣界四十八里

西南至興元府城固縣界一百里

戶

唐開元戶二萬三千八百四十九

皇朝戶主七千四百四十一客三千六百九十

九

風俗

與梁州同

人物無

土產

熊羆狐狸皮

麝香 今貢

隔織

興道縣

舊二十一鄉

本漢城固縣後魏宣武帝正

始中分城固縣地于今縣理西北二十里興勢

山置興勢縣兼立儻城郡因山為名按地記云

晉于今西泉縣置晉郡魏後移于今縣置晉昌

郡因晉舊名也廢帝三年改為儻成郡隋開皇

三年罷郡大業二年縣自山上移居廢郡解理

唐貞觀二十三年改為興道縣先是移郡就西

鄉縣此為屬邑後以險固貞元初又移郡于此

興勢山在縣西北四十三里今郡城所枕自

然隴勢形如一盆緣外險而內有大谷為盤道

上數里方及四門因為興勢之名 明月池在

縣西北其地屬明月鄉中有一臺是漢祖所造

注水經云形如偃月故號為明月池 七女池

漢中記云興道有七女池昔有人無男養七女

父亡女負土各為一冢不知定葬何冢其冢羅

列如七星各高七丈取土之處今成一池號曰

七女池 漢水在縣南二百步屈曲行三百七

十里流入金州漢陰縣界 儻谷水一名駱谷

水在縣北三十里南注漢水 龍亭故城漢為

縣廢城在今縣東又梁州記云龍亭縣屬儻城

郡

西鄉縣 東西一百里曰一本漢城固縣地後漢班

超受封之所蜀先主分城固之地立南鄉縣屬

漢中郡至晉太康二年改南鄉為西鄉即今縣

南十五里平陽故城也後魏置洋州及豐寧郡

豐寧縣隋開皇三年罷郡大業三年廢洋州改

豐寧縣為西鄉縣移于廢州理即今縣也貞觀

二十三年移郡理興道此為屬邑 白廟山山

有老子廟 駱谷水注水經云駱谷水出北谷

南流入漢亦入蜀徑路 唐公房神仙傳云唐

公房昔事李八百公房患無酒八百因以杖指

崖酒泉湧出故後人敬之立祠甚靈號之曰唐

公房 洋水出廢洋川縣東之巴嶺注水經云

源出巴山經縣東八里北流入黃金縣界郡因

此水稱名 平西城後漢書云班超平定西域

有功封定遠侯凡三十年告老方歸故城今在

縣南晉置西鄉縣于此城 清涼川在縣北唐書德宗皇帝以朱泚之難幸梁洋中書舍人齊映從駕至此川見旌旗蔽野上心駭謂泚之追兵疾路至此見梁帥嚴震具軍容拜馬前叙君臣離亂流涕久之上喜令震登馬與朕作主人映叱嚴震與至尊導馬御膳自有所司頃之上次洋州行宮召映責以儒生不達機權烟塵時務姑息主帥映奏曰南山士庶只知有嚴震不知有陛下耳今天威親臨令蜀士民知天子之尊亦足以盡嚴震為臣子之節上歎久之震聞

特拜謝映時議多之即此川也 廢洋源縣在

州東南一百二十里本漢城固縣地屬漢中郡唐武德七年析西鄉縣東南一百八十里地以置因縣北洋水為名大曆元年為狂賊燒劫遂北移于西鄉縣南二十里白湍村權置行縣即今縣理是寶曆元年山南西道節度使裴度奏准今年二月勅洋源縣為鄉以五里地隸鄰近諸邑 洋水在今縣西南三百步

真符縣 北六十里 西四十里 本漢安陽縣地 唐開元十八

年梁州長史韋敬祖奏于此置華陽縣取古華

陽之地為名天寶三年廢八年王鉞開清水谷
路復于黎園置華陽縣其年因鑿山路得玉冊
遂改為真符縣仍隸京兆府北去府四百餘里
至十一年又隸洋州其年以縣去州偏遠移縣
就桑平店北去盤屋四百四十里廢黃金縣
在州東北一百三十里本漢安陽縣地屬漢中
郡後魏文帝大統十二年分置黃金縣因縣界
有黃金水為名屬直州廢帝二年分直州置洋
州郡以縣屬焉隋開皇二年罷郡以縣屬洋州
大業二年廢洋州又以縣屬漢川郡十一年移

于縣治北六十里巴嶺鎮貞觀二年又移于今
縣所理廣德後因羗賊叛亂權移于蜻湍置行
縣在漢江北南至西鄉縣六十里元和已後方
移就今理皇朝乾德四年併入真符縣仍移縣
就廢黃金縣即今理也寒泉在舊縣北八十
四里漢水在舊縣北二百步洋水出縣東
巴嶺水經注云道源巴山東北流入漢黃金
水在縣西四十里南注漢水黃金戍按梁州
記云戍水陸艱險在縣西北八十里即張魯所
築南接漢川北枕古道俗號為鉄城是也古

道春秋繁露云三皇抵車出谷口即今斜谷是也又郡國志云北曰斜南曰褒同一谷故曰褒斜

渠州

渠州鄰山郡今禹貢梁州之域春秋時巴國秦惠

文王遣張儀司馬錯伐巴蜀滅之因置巴郡漢

初置宕渠縣屬巴郡即今流江縣東北七十里

宕渠故城是也其城後漢車騎將軍馮緄增修

俗名車騎城東晉末為蠻獠所侵因而荒廢漢

志云符特山在宕渠西南今縣側有龍驤山蓋

古符特山也後漢建安二十三年蜀先主分巴

郡置宕渠郡尋省後主延熙中又置尋又省晉

惠帝又置李壽亂後地為諸獠所侵郡縣悉廢

宋又自漢宕渠縣移郡理安漢故城梁初又省

普通三年又于漢宕渠縣西南七十里置北宕

渠郡即今州理是也大同三年于郡理置渠州

後魏文帝十三年其地內屬仍舊為渠州領北

宕渠郡至後周武成元年改北宕渠郡為流江

郡理流江縣隋開皇三年罷郡所領屬渠州大

業三年罷州復為宕渠郡唐武德元年復置渠

州領流江賓城宕渠咸安鄰水墊江六縣其年
改賓城為始安又分置賓城義興豐樂三縣以
宕渠咸安二縣屬蓬州又分鄰水墊江鄰山鹽
泉四縣置鄰州三年割鄰水來屬八年省義興
豐樂賓城三縣其年廢鄰州以鄰山來屬天寶
元年改為鄰山郡乾元元年復為渠州
皇朝乾德六年割渠江縣屬廣安軍

元領縣五

今四

流江

鄰水

鄰山

大竹

一縣割出

渠江
安廣
軍

州境

東西一百四十五里

南北二百六十六里

四至八到

東北至東京三千五百二十里

東北至西京三千一百里

東北至長安二千六百里

東至涪州四百五十里

南至合州新明縣界一百七十里

西至果州二百八十里

北至達州六百里

東南至涪州二百七十里

西南至果州岳池縣界一百一十九里

西北至蓬州官路二百二十里私路一百九十里

西北至合州水路約四百里

東北至蓬州水路一百五十里

戶

唐開元戶九千

皇朝戶主四千三十六客一萬七千七百五十

九

風俗

與達州同

人物

玄賀字文和宕渠人為大司農

馮緄為廷尉

土產

黃連 車前子

茱萸 鐵器

流江縣 舊十四鄉今本漢宕渠地梁武帝于此置北

宕渠郡周明帝改為流江郡仍于郡理置流江縣

恒山

即今縣是也開皇三年郡廢屬梁州宕渠山一名大青山在縣東五十八里蜀都賦曰外負銅梁而宕渠宕渠水一名渝水在縣東二里故賓國城在縣東北七十四里古之賓國都也晉中興書曰賓者廩君之苗裔巴氏之子務相乘土舡而浮異之立為廩君子孫布列于巴中秦并天下以為黔中郡薄其賦稅人出錢四十邑人謂賦為賓遂因名後佐高祖平定天下善歌舞所謂巴渝舞也漢宕渠縣城在今縣東北俗號為車騎城

鄰水

縣東南一百三亦漢宕渠縣地梁武大同三年

置鄰水縣屬鄰山郡因州水以名之寄理州城隋

開皇元年自州城移于岳池溪今縣北九里故城

是也三年罷郡以縣屬渠州唐武德元年改屬鄰

州二年復屬渠州其年自故縣城移于今理寶曆

中山南西道節度裴度奏廢之大中初又改置為

鄰山在縣北八十里鄰水源出縣東北鄰山

南流徑東去縣二十六里又南流中有大磧懸流

十丈奔急若驚湍電瀉絲經池在縣東南八十

里

鄰山縣 東南一百里舊亦漢宕渠縣地自晉至齊

二鄉今五鄉 地並為夷獠所據梁大同三年于此置鄰州及

鄰山縣後魏廢帝改為鄰山郡以山名之至隋

初郡廢併縣入鄰水唐武德元年分置鄰山縣

屬鄰州八年廢州縣屬渠州縣城南西北三面

有池圍繞東阻涅水甚險固俗號為金城鄰

山在縣西四十里此山重疊鄰比相次為名南

盡縣界東入鄰山縣界北入通州三岡縣界此

山出鉄 涅水在縣東二十步自忠州清水縣

界入當縣

大竹縣 北六十里舊亦漢宕渠縣地後為沅江縣地

唐久視元年分今宕渠縣東界置屬蓬州以邑界

多產大竹為名武德二年割屬渠州寶曆中與鄰

水縣同廢其後又置按通典此邑舊隸蓬州今屬

渠州 龍蘭山在縣北二十里 露水在縣東北

十五里 貴溪水在縣東北十五里

廣安軍

廣安軍 理渠本合州濃洄鎮渠州新明鎮地

國朝乾德六年以合果渠三州相去路遠山川險

僻多聚寇攘遂合二鎮置廣安軍仍割渠州之渠

江合州之新明果州之岳池三縣以成之從西川
轉運使劉仁燧之所請也

領縣三

渠江

新明

岳池

軍境

東西二百四十里

南北二百二十里

四至八到

東北至東京三千八百里

東北至西京三千四百里

正北至長安二千里

東至梁山軍五百里

西至果州二百里

南至渝州三百里

北至渠州一百八十里

東北至忠州三百五十里

西南至合州二百里

東北至達州三百五十里

西北至蓬州三百五十里

戶

舊戶載合果渠三州籍

皇朝管戶主六千二百五十三客一萬五千四百

六十三

風俗

與果合渠三州同

土產

絲布

細

綿

牡丹皮

渠江縣

舊三鄉今三鄉

本漢宕渠縣地後漢又為賓城縣今

縣北

十二里有古廢賓城在焉一名始安城梁普

通

三年于此置始安縣取古始安城為名屬北宕

渠

即隋開皇三年罷郡以縣屬渠州十八年改為

賓城縣大業元年自故城移于今理南臨渠水東

枕大溪唐武德元年復改為始安縣至德二年又

改為渠江縣

國朝乾德六年割屬廣安軍渠江水一名渝水

在縣南八十步西流入合州新明縣界富靈山

在縣東南七十里峻峭多藥物賓靈仙所居也

新

明縣

西六十里舊六鄉今十六鄉

本漢墊江縣地宋為宕渠之

地後魏改為石鏡縣地唐武德二年分石鏡之東

北界于渠水中索鉞洲上為新明縣以新被明化

為邑之稱聖曆三年刺史張東之以舊縣多水害

奏移于嘉陵江西岸北連靈巖山即今縣理是也
國朝乾德六年割隸廣安軍 蛇龍山在縣東六
十里 白鶴山在縣西南一百里 嘉陵山在縣
西南一百里 渠江在縣三十里
岳池縣 西北一百二十里 亦南充之地宋武帝于此立
南宕渠郡尋廢郡立岳池縣以境內岳池水為名
岳安山在縣東三十五里高六百丈岳池之水
出焉 上有音聲鳥 獅子山在縣東五里山形似
獅子 蒙溪水在縣西北五十里源出岳安山東
流至故縣鎮西本是思岳池因此以名縣焉

太平寰宇記卷第一百三十八

太平寰宇記卷第一百三十九

山南西道七

巴州

蓬州

巴州

巴州 清化郡今古巴國地所屬與通州同在漢即巴

郡宕渠縣地後漢分宕渠北界置漢昌縣即今州

理也按四夷縣道記云至李特孫壽時有群獠十

餘萬從南越入蜀漢間散居大谷因斯流布在此

地後遂為獠所據歷代羈縻不置郡縣至宋乃于

巴嶺南置歸化北水二郡以領獠戶歸化郡即今
理是也齊因之梁置歸化木門二郡後魏正始元
年梁州刺史夏候道遷以其地內屬于是分其地
于漢昌縣理所置大谷郡帶防兵以鎮撫之延昌
三年于大谷郡北置巴州蓋取古巴國以為名隋
大業三年改巴州為清化郡唐武德元年改為巴
州領化城魯口清化盤道永穆歸仁始寧其章安
固伏虞恩陽白石符陽長池十四縣其年以扶陽
長池白石屬岳州以安固伏虞屬蓬州清化屬靜
州二年割歸仁永穆置萬州貞觀元年廢萬州以

歸仁來屬天寶元年為清化郡乾元元年復為巴

州

元領縣九

今六

化城

恩陽

曾口

其章

清化

七盤

三縣廢

歸仁

併曾口入

始寧

併曾口入

盤道

併清化入

州境

東西一百二十里

南北一百四十里

四至八到

東北至東京三千六十四里

南北至西京二千八十里

東北取巴嶺路至長安一千二百二十里

東至壁州九十里

西至閬州二百一十里

南至蓬州一百六十里

北至集州一百三十七里

東南至達州三百七十里

西南至蓬州二百一十里

東北至壁州界五十五里

西北至集州一百八十里

戶

唐開元戶三萬二百一十八

皇朝戶主一千九十三客七百六十五

風俗

與峽州同

人物無

土產

細 綿 白藥 巴戟天 茶

按廣雅云荆巴閬採茶作餅成以米膏出之欲
煮飲先炙令色赤搗末置瓷器中以湯澆覆之
用葱薑芼之即茶始說也又段氏蜀記云巴州
以竹根為酒注子為時珍貴也

化成縣

舊十九鄉今九鄉

本漢宕渠縣地後漢分置漢昌縣

屬宕渠郡梁普通六年于梁溪西三里置梁大縣

屬大谷郡按後周地圖記云大象二年改梁大縣

為化成縣以縣南三里化成山為名龍腹山

胡鼻山黃牛山已上三山皆在郡界虎牙山

郭璞江賦虎牙嶸豎以屹峩其山臨江高踰萬仞

白馬穴九州要記云即黃牛山有穴昔有白馬

奔出故名北水一名巴嶺水一名渝川水一名

宕渠水西北自集州難江界流入南注水經云北

水又東與難江水合靈壽溪姜詩泉二泉溪

皆在郡界

恩陽縣

西北四十一里舊七鄉今五鄉

本漢閬中縣地梁普通六年

分閬中置義陽郡又于郡置義陽縣因界內山為

名屬巴州後魏以郡屬江州恭帝改江州為方州

後周天和二年廢方州以郡屬巴州隋開皇三年

罷郡十八年改義陽縣為恩陽縣義陽岳山在

縣南一里 清水北自清化縣界來至縣西北又

屈曲而東流經縣北八十步又東流入化成縣界

曾口縣 東南四十里 本漢宕渠縣地宋末于此置歸

化郡以撫獠戶梁普通六年于郡里置曾口縣以

曾口谷為邑名後魏因而不改隋開皇三年廢歸

化郡以曾口屬巴州 北水自化成縣界入東南

流經縣理西又東南經縣理南又東南入歸仁縣

界 廢歸仁縣在縣東八十里本漢宕渠縣地梁

普通六年于此置平川縣屬遂寧郡因縣界平川

水為名後魏不改隋開皇三年罷郡以縣屬巴州

九年改平川縣為歸仁縣皇朝乾德四年併入曾

口 木蘭山在縣^西二十五里 北水西北自曾口

縣界來東南流經縣南一里又東南流入永穆縣

界 平川水東北自廣納縣界來南流經縣東五

里又南合北水

其章縣 東三十里舊本漢葭萌縣地梁武帝普通六

年于此置哀戎郡以界內哀戎水為名又置其章

縣取縣東八里其章山以名按其章山一名陰城

山隋開皇三年罷郡以縣屬巴州唐寶曆七年又

廢尋復置 滄溪源出縣東北三十里^五平地東南

流與思泉水合又東南入始寧縣 廢始寧縣在
縣東南十五里本漢宕渠縣地梁普通六年于此
置遂寧郡又于郡理置始寧縣因山為名隋開皇
三年罷郡以縣屬巴州唐貞觀八年移于今理皇
朝乾德四年併入其章縣 始寧山在縣東北七
里 滄溪水西北自其章縣界來南流經故縣東
南又東南流經縣北三里又東南經始寧山東南
與思賴水合
清化縣 東北六十里舊本漢葭萌縣地梁普通六年
三鄉今七鄉
于今縣北二十里置木門郡又于郡置伏強縣並

因山為名隋開皇中罷郡以縣屬巴州七年改伏
強縣為清化縣唐武德元年于此置靜州六年移
州就理北平縣貞觀元年置清化縣自木門城移
于今理 木強山在縣北一百步 清水北自北
平縣來南流經木門城東又南經縣理 東遊水
東北自北平縣來西南流經木門山又西南合清
水 廢盤道縣在縣東四十里本漢宕渠縣地宋
末于今縣西南十里置北水郡梁普通六年于北
水郡置難江縣因難江水為名梁末其地內屬後
魏恭帝三年改難江為盤道縣因龍腹山道路盤

屈為名隋開皇三年罷郡以縣屬巴州唐貞觀十
一年自故城移縣于今理寶曆九年又廢之以其
地併入恩陽縣長慶中復置國朝乾德四年併入
清化縣龍腹山在縣西九里北水西北自難
江縣界入難江水北自難江縣來至縣北方合
北水

七盤縣

西北一百二唐久視元年于七盤山東南置
十里元四鄉

因山為名

蓬州

蓬州理咸安郡今禹貢梁州之域古巴國之地土地所

屬與通州同漢為宕渠縣即益州巴郡地晉又為

巴西郡地宋末屬歸化郡梁大同元年于此置伏

虞郡又置北安縣以屬巴州尋入後周故周地圖

記云天和四年割巴州之伏虞郡隆州之隆城郡

于此置蓬州因蓬山以為名隋初郡廢大業中州

廢唐武德七年割巴州之安固伏虞隆州之儀隴

大寅渠州之宕渠咸安等六縣置蓬州因周舊名

三年以儀隴屬方州尋復來屬天寶元年改為咸

安郡至德二年改為蓬山郡乾元元年復為蓬州

元領縣七

今六

蓬池

良山

儀隴

伏虞

蓬山

即池

一縣廢

宕渠

入良山

州境

東西一百五十里

南北一百八十七里

四至八到

東北至東京二千二百里

東北至西京二千二百九十里

東北取巴嶺路至長安一千四百四十里取閬州路

一千七百六十里

東至達州四百四十里

南至渠州一百九十里

西至閬州二百里

北至巴州二百一十里

東南至開州六百八十里

西南至果州二百八十里

正東微南至達州三百二十里

東南至渠州官路二百一十里

東北至璧州三百六十里

西北至利州五百五十里

戶

唐開元戶一萬五千五百七十六

皇朝戶主六千一百四十四客一萬六千五十六

風俗

雜似獠戶

人物無

土產

山高水險不生藥物

蓬池縣

元六年本漢閬中縣地梁天監元年分閬中之

地置大寅縣取邑西大寅山以為名屬蓬州隋

大業三年廢蓬州縣屬巴西郡唐武德元年復

屬蓬州廣德元年改曰蓬池取蓬水以為名

龍車山在縣東南三里四時常有花發 驗江

水一名流江水西來自儀隴縣界東流經縣理

北又東南流入良山縣界 東華山在縣東三

十五里 扶六水自儀隴縣西北流入有六澗

水相扶合流因此為名 聖水出縣東北二十

里龍鮫山土人浴蠶即倍有獲 火井在縣西

南三十里水涸之時以火投其中焰從地中出

可以禦寒移時方減若掘深一二丈頗有水出

良

山縣

東七十二里元二鄉

本漢宕渠縣地

梁大同元年分

宕渠之地以置安固縣取安靜永固為名屬伏

虞即隋開皇三年罷郡以縣屬蓬州大業初州

廢以其地併入宕渠唐武德元年于縣理置蓬

州開元二十九年州自此移理蓬池縣改安固

縣為良山縣元和又廢大中年又置皇朝乾

德二年併宕渠縣入焉大蓬山在縣東南三

十里有小蓬山相去二里綏山按列仙傳云

葛由者蜀之羗人周成王時刻木為羊賣之一

旦乘木羊入蜀蜀中王侯賓之追上綏山山在

安固縣東三十里隨之者皆得仙術消水北

自伏虞縣流入經縣東二里東南入宕渠縣

流江水在縣西南二十一里廢宕渠縣在州

東一百里本漢舊縣屬巴郡梁太清元年于此

置景陽郡及宕渠縣因縣界山為名隋初郡廢

而縣存割隸蓬州按縣城置在長樂山上唐寶

曆七年又併入蓬山縣大中年又置居崇山

在縣西一里消水北自縣界南流經縣西一

十里又西南流入蓬山縣界

儀隴縣

西北六十里元六鄉本漢閬中縣地梁天監元年于

此置隆城郡因隆城山為名及儀隴縣隋開皇

三年郡廢以縣屬蓬州唐武德三年割屬方州

八年廢方州復屬蓬州縣城元在金城山頂四

面懸絕石壁高八十丈周迴五里唯西南稍通

人馬開元二十六年移于山下平溪即今理是

也大曆初以廟諱改為儀隴縣儀隴山在縣

西三十里山頂有石銘儀隴二字俗謂之赤葛

山流江之水出為金城山在縣北上平下聳

龍望山在縣東十里其山有神祠號龍望神

○鼇水在縣西北三十里出鼇池

伏虞縣

東北六十里本漢宕渠縣地梁大同中于

今縣東三十里分置宣漢縣屬義安郡隋開皇

三年廢郡以縣屬蓬州至十八年改宣漢為伏

虞縣以界內伏虞山為名大業三年廢州屬清

化郡武德元年復屬蓬州移理于山頂上開元

末百姓請去險就平遂西南移于消水側置縣

今縣是也靈星山在縣南七里高千餘尺消

水源出此山北東南流入良山縣界宣漢水

源出今縣東四十里山頂東流經舊縣南七里

又東流入良山縣界

蓬

山縣東南九十本漢宕渠縣地梁大同中于此置

綏安縣屬景陽郡隋開皇三年罷郡以縣屬蓬

州十八年改為咸安縣唐武德二年改為蓬山

縣以縣界內山為名景陽山在縣東南十六

里流江水西自蓬池縣界來南流經縣南一

百步又東流入渠州流江縣界消水自縣東

十五里南流注流江縣水菩薩山在縣東三

十里三角山在縣南三十里山形有三角

石雞翁山在縣西南六十里有石如雞又果州

有石如雞母二山相對去五里

即池縣

南三十五本漢宕渠縣地又為蓬池縣地唐

武德四年劔南道大使竇執割果州相如縣地置

以臨古即池為名寶應元年租庸使徐演奏自果

州割屬蓬州大曆五年遭狂賊焚燒自後權置行

縣未立城壁貞元元年移于營山歇馬館為理即

今縣是也營山在縣西南一里披衣山在縣

西南六十里天將雨山上雲霧馳曳如披衣焉山

上有雲山寺寺中有池去果州嘉陵江三十里江

水或淺其池亦淺江水或漲其池亦漲號天生池

其山又有青溪之水出焉 銅鼓山在縣西南連
閬州新政縣 嘉陵江在縣西七十五里

太平寰宇記卷第一百三十九

太平寰宇記卷第一百四十四

山南西道八

集州

璧州

集州

集州

符陽郡今土地所屬與通州同今州即漢巴郡

宕渠縣地晉巴西郡永寧中李特王蜀其地屬焉

後魏景明中于巴嶺南置洋川其章平桑三郡大

統中山南復設屬梁武帝大同中又于巴嶺側立

安寧敬水平南三郡仍立東巴州以領三郡州理

在木馬按木馬地名在今洋州界無復遺跡後魏
恭帝二年改東巴州為集州以東北集川水為名
人戶寡少寄理梁州後周天和五年移集州于巴
嶺南即今州理領平桑其章安寧敬水平南五郡
隋開皇三年罷所領郡立集州領難江曲細符陽
白石四縣大業二年廢集州以難江屬漢川郡以
長池舊名曲細符陽白石三縣屬巴州仍于廢集州城
置公山鎮唐武德元年廢鎮復于難江縣置集州
仍割巴州之符陽長池白石三縣來屬又置平桑
縣凡領五縣八年以符陽白石屬壁州貞觀元年

廢平桑縣二年又置六年又省平桑長池二縣八
年復割壁州之符陽來屬十七年又割廢靜州之
地平縣來屬天寶元年改為符陽郡乾元元年復
為集州

元領縣四

今二

難江 嘉川

二縣廢

大年 併入 難江

通平 併入 嘉川

州境

東西二百九十一里

南北九百九十六里

四至八到

東北至東京二千八百里

東北至西京一千九百里取地平縣至利州驛路二千六百里

東北取巴嶺路至長安一千四百里

東至璧州取符陽縣路二百七十里

正南徼西至巴州一百八十里

西至利州三百里

北至興元府二百七十里

東南至璧州五百里

西南至巴州同上

西北至利州界二百五十里

東北至洋州四百里

戶

唐開元戶四千三百五十三

皇朝戶主二千七百一十三客三千二百三十

五

風俗

與梁州同

人物無

土產

小絹

藥子

蜜

蠟

難

江縣

舊七鄉今十鄉

本漢宕渠縣地周天和五年於此

置難江縣因江水難涉故有難江以為名隋大

業中屬漢川郡唐武德元年于縣理置集州

小巴嶺在縣東北一百三十里周地圖云此山

之南即古之巴國其嶺上多雲霧盛夏猶有積

雪又有北水源出此山難江水源出縣東小

巴嶺南流經縣東二十里入盤道縣界故注水

經云難水出小巴山平桑水源出縣西三十

五里方石城本因流離人聚居謂之流離城

也廢大牟縣在州西南二百一十里本漢葭

萌縣地隋為清化縣地武德元年分清化縣西

界置大牟縣取縣^東三里大牟山以為名屬靜州

貞觀十七年割屬巴州永泰元年割屬集州縣

在巴州北六十里皇朝乾德五年併入難江縣

思遠山在縣西北三十里有曾溪水源出此

山東北流注與峻水合

嘉

川縣

西一百一十二里元三鄉

本漢葭萌縣地宋武帝于

此置宋熙郡及興樂縣後入于魏至恭帝元年

改興樂為嘉川縣取嘉陵江所經為名隋開皇
三年罷郡以縣屬利州貞觀二年改屬靜州十
七年復屬利州永泰元年割屬集州 每母山
一名大胡山在縣西四里 東遊水一名宋熙
水自三泉縣界西南流又合西遊水又屈曲東
南流經縣東一百一十步又西南流入義清縣
界 胡渡水一名清水西自利州綿谷縣界流
入東流與宋熙水合 廢通平縣在州西一百
一十五里梁大通六年于此置池川縣屬木門
郡開皇年省池川縣入伏強七年改伏強為清
化縣武德元年分清化西北界置狄平縣屬靜
州二年改為地平縣取天成地平之義七年以
靜州自木門故城移理于此貞觀十七年廢靜
州以縣屬集州永泰元年改為通平縣皇朝乾
德五年併入嘉川縣 龍福山在縣東一里
高城戍在縣東二十六里又有清水北自難江
縣界流經高城戍東又南入清化縣界

璧州

璧州 始寧郡今禹貢梁州之域歷代土地所屬與
巴州同本漢宕渠縣地後魏大統中于今州理

置諾水縣屬遂寧郡隋開皇三年省諾水縣入
始寧縣大業三年以始寧縣屬巴州武德八年
分始寧縣之東境于後魏諾水城再置諾水縣
仍于縣理立璧州以縣西一里璧山為名又割
集州之符陽白石二縣來屬貞觀元年廢萬州
割廣納縣來屬八年復以符陽屬集州天寶元
年改為始寧郡乾元元年復為璧州

元領縣五

今三

通江

白石

符陽

二縣廢

廣納

州境

東巴

已上併
入通江

東西二百六十里

南北三百八十里

四至八到

東北至東京三千四百里

東北至西京三千里

北取至洋州路至長安二千里

北至洋州興道縣五百四十里

西至巴州一百五十里

南取廣納縣路至巴州歸仁縣一百七十八里

東至所管東巴縣二百三十里縣東與通州東鄉縣
接界

東至通州三百七十里

唐開元戶一萬二千三百六十八
皇朝戶主七百一十九客二千一百三十七

風俗

與蓬州同

人物無

土產

麻布

絲布

綿

蠟

馬鞭貢

段氏蜀記云壁州進貢鞭諸道不及

通江縣舊十六鄉今六鄉本漢宕渠縣地後漢分置宣漢縣

梁武帝分宣漢縣置始寧縣後魏分始寧置諾水

縣因縣南諾水為名唐武德七年省八年再置縣

并州于此至天寶元年以邑枕巴江故為通江縣

哥籟山在縣東七十里上有城甚險峻巴字

水巴江有二水並流自漢中至城下入武陵曲折

三曲如巴字亦曰巴江今峽中謂之巴峽即此水

也 牛頭山四絕為諸山之望 廢廣納縣在州
南五十里舊二鄉亦漢宕渠縣地後為始寧歸仁
二縣地唐武德二年析二縣之地置廣納縣以縣
界廣納溪為名寶曆元年九月山南西道節度使
裴度奏廢縣為鄉六併入白石諾水二縣大中初
復置皇朝乾德四年併入通江 平州水北自通
江縣界來南流經縣理西與廣納溪水合 廢巴
東縣在州東二百四十里二鄉本漢宕渠縣地唐
開元十三年璧州三縣耆老狀論太平曲水王福
邽^即界東南連通州即為浮遊所集州縣不便請置

邑就以撫之由是勅許置太平縣因取彼太平
川以為名天寶十年改為巴東縣以處巴江之
東為名皇朝乾德四年併入通江

白石縣 東北一百里元四鄉亦漢宕渠縣地後魏廢帝于今

縣西南十五里立白石縣因界內白石川為名
屬其章即隋開皇三年罷郡以縣屬集州大業
三年廢集州以縣巴州唐武德七年自魏所置
縣移于今縣東南一里屬渠州八年改為璧州
證聖元年又移于今理縣城南枕大溪北臨小
澗 青水一名白石水東北自洋源縣界流入

西南流與諾水合

符陽縣

北七十里舊八鄉今六鄉

本漢縣屬巴郡晉末廢為宣

漢縣地後魏正始中置其章即領符陽縣亦無

人戶寄理渠州後周天和五年開拓此地移其

章即及縣理于此隋開皇三年罷即以縣屬集

州大業二年廢集州以縣屬巴州唐武德元年

又置集州縣依舊屬焉思公山在縣北二百

里其山最峻思公水源出此山南流經縣理西

又南入通江縣界又有思公城符水源出縣

東南三百步西流經縣南九十步又西流入思

公水

